

校
輯
世
本

全

Z121.6
1
(2)

潮陽鄭
氏用通
州雷氏
本刻行

世本十五篇見漢藝文志蓋古史官所記也其書舊曰不可復得今可識者世本有帝繫篇見書序正義及釋元應一切經音義二十三有世本本紀見春秋穀梁襄二十五年疏史三代世表索隱左襄二十一年正義引世本記記紀同也有世本世家見左桓三年閔二年襄二十一年二十九年定元年正義史田齊世家索隱有傳見史魏世家索隱有譜見隋經籍志又有氏姓篇見左隱十一年正義及史秦本紀集解有居篇見史吳世家魏世家索隱有作篇見周禮及禮記鄭注禮正義亦云世本有作篇又當有諡法一篇見沈約諡法序故司

馬遷作史記多依用之然春秋正義云今之世本與遷言多有不同如世本陳無利公見左桓十一年正義韓無列侯趙無武公田齊無悼子及侯剡見史索隱大抵秦火之餘轉寫訛脫孔穎達諸儒得此夫彼往往以爲未可據信其實非原書之失也至如世本無有陽國見左閔二年正義世本無魏君名諡檜君號諡并見左襄二十九年正義杜預釋例引世本無許叔皆晉唐人所見之本雖非原書然猶可想見此書之舊又如史夏本紀索隱引世本妣姓不云彤城及褒殷本紀索隱引世本子姓無稚氏孔子世家索隱引世本無漆姓亦並足

與後來氏姓之書互相取證王應麟讀孟子注謂可備
參攷良有以也他如世本琵琶不載作者引見初學記
引傅元琵琶賦序則世本作篇之所載者不可不知其
書至宋已不傳 國朝錢大昭嘗据書傳所引集爲作
篇居篇氏姓篇王侯大夫譜共四篇孫馮翼復据諸書
補其未備刊載問經堂叢書中然其中失載者亦夥至
孫星衍所藏淡生堂抄輯世本二卷洪飴孫所編世本
四卷外間俱未之見江都秦嘉謨因其書作世本輯補
刊行而所補者類皆司馬遷韋昭杜預之說注欠分曉
多與世本原文相汨轉覺世本一書蕩然無復畱界矣

泮林輯爲此書與秦同時繼聞秦書刊行遂置不錄而又終恐後日之以似夫眞也爰仍據所輯舊稿釐爲六卷錄成一編并附纂諡法數條於後庶幾周秦以上之書可藉是以傳其舊且其中尤有補秦書之所未備者攷古者或有取焉爾道光元年冬十月高郵茆泮林識

世本諸書論述

尙書序正義曰大戴禮帝繫出於世本

周禮瞽矇諷誦詩世莫繫鄭元注曰世之而定其繫謂書於世本也

周禮小史掌邦國之志定繫世辨昭穆鄭元注曰帝繫世本之屬孔穎達疏天子謂之帝繫諸侯謂之世本

漢書藝文志世本十五篇古史官記黃帝以來迄春秋時諸侯大夫

漢書梅福傳綏和元年以世本相明封孔子世

漢書司馬遷傳贊曰孔子因史記而作春秋而左邛
明論輯其本事以爲之傳又纂異同爲國語又有世
本錄黃帝以來至春秋時帝王公侯卿大夫祖世所
出春秋之後七國並爭秦兼諸侯有戰國策漢興代
秦定天下有楚漢春秋故司馬遷據左氏國語采世

本戰國策楚漢春秋接其後事

案史集解索隱正義序多引之

後漢書班彪傳漢書畧論曰唐虞三代世有史官以
司典籍暨於諸侯國自有史故定哀之間左邛明論
集其文作左傳三十篇又撰國語二十篇又有記錄
黃帝以來至春秋時帝王公侯卿大夫號曰世本一

十五篇春秋之後則有戰國策三十三篇漢興陸賈作楚漢春秋九篇孝武之世太史令司馬遷采左氏國語刪世本戰國策據楚漢列國時事上自黃帝下迄獲麟作本紀世家列傳書表凡百三十篇

又曰夫百家之書猶可法也若左氏國語世本戰國策楚漢春秋太史公書今之所目知古後之所由觀前聖人之耳目也

韋昭國語解序曰以世本攷其流

隋書經籍志世本王侯大夫譜二卷世本二卷劉向撰世本四卷宋衷撰

案史記集解序索隱引劉向曰世本古史官明於古事者之所記也錄黃帝以來帝王諸侯及卿大夫系諡名號凡十五篇據此蓋別錄之文當是秦火之餘劉向從校書後錄出非即劉向撰也又案王應麟玉海五十亦曰司馬遷已采世本恐非向撰若宋衷則世本之撰注者

又曰漢初得世本敘黃帝以來祖世所出

舊唐書經籍志世本四卷宋衷撰世本別錄一卷帝

譜世本七卷宋均注世本譜二卷

新唐書藝文志宋衷世本四卷別錄一卷宋均注帝

譜世本十卷王氏注世本譜二卷

王應麟玉海四十七案藝文志唐十三類史錄譜牒類世本至著姓畧記十七家三十九部一千六百一十七卷又案唐六典史類十二日譜系以紀氏族繼序世本等四十一部三百六十卷譜牒之

書以世
本爲首

劉知幾史通曰帝王苗裔公侯子孫餘慶所宗百世無絕能言吾祖邾子見師於孔公不識其先籍談取謂於姬后故周撰世本式辨諸宗楚置三閭實掌王族

春秋左傳孔穎達正義曰杜君采太史公書世本旁引傳記以爲世族譜畧記國之興滅

又曰杜據世本史記作世族譜說諸國滅亡之年柳冲進姓族系錄表曰姓氏之初世本著其義昭穆之敘周譜列其風

世本
三
柳芳族譜總論曰氏族者古史官所記也昔周小史定繫世辨昭穆故古者有世本錄黃帝以來至春秋時諸侯卿大夫名號繼統秦既滅學諸侯子孫失其本系漢興司馬遷父子乃約世本修史記因周譜明世家乃知姓氏之所由出

歐陽修帝王世次圖序曰司馬遷作本紀出於大戴禮世本諸書今依其圖而考之堯舜夏商周同出黃帝

劉恕通鑑外紀世本經秦歷漢儒者改易

鄭樵通志氏族畧序曰凡言姓氏者皆本世本公子

譜二書二書皆本左傳

王應麟漢志攷引顏之推云世本左邛明所作

此說出皇

甫謚帝王世紀

而有燕王喜漢高祖非本文也

顏說見家訓書證篇

王應麟玉海五十引晁氏志云唐張九齡撰姓源韻譜依春秋正典世本圖摺撫諸書纂爲此譜分四聲以便尋閱

世

本



帝王世本

案周禮警矇世奠繫注引杜子春云繫謂帝繫諸侯卿大夫世本之屬是也元謂世之而定其繫謂書於世本也疏謂後鄭以世與繫為一事解之對文言之王謂之帝繫諸侯卿大夫謂之世本散則通故云書於世本世本即帝王繫也故今輯為帝王世本諸侯世本卿大夫世本

黃帝

案書正義世本以黃帝為首史正義世本以黃帝顓頊帝嚳唐堯虞舜為五帝史正義索隱又引孫氏注世本以伏羲神農黃帝為三皇以少昊顓頊高辛唐虞為五帝孫氏未知何時人今輯依黃帝為首故路史後紀注有引世本尊盧氏在伏羲後之文棄而不錄而以諸書所引世本少皞文敘錄於次

注號有熊者以其本是有熊國君之子故也亦號

軒轅氏 史五帝本紀 索隱單行本

黃帝娶於西陵之女謂之纁祖產青陽及昌意 山海經

內經 黃帝娶西陵氏女為妃名纁祖 廣韻十一 齊注

少皞

少皞是黃帝之子 左昭元年正義 金天氏少皞 全上 青陽即是

少皞黃帝之子代黃帝而有天下號曰金天氏 左昭十七年正義

年正 少昊名摯 路史後紀注 少昊黃帝之子名契字青

陽黃帝沒契立王以金德號金天氏同度量調律呂

封泰山作九泉之樂以烏紀官 全上

宋衷曰元囂青陽即少昊也 史五帝本紀 索隱 又曰元囂

青陽是為少昊繼黃帝而立者而史不敘蓋少昊

金德王非五運之次故敘五帝不數之也

全上三代世

表引同無而史不敘四字

顓頊

顓頊是黃帝之孫

左昭元年正義

黃帝生昌意昌意生顓頊

山海經海內經注

昌意生高陽是為帝顓頊顓者專也頊

者正也言能專正天之道也

玉篇頁部專也下似非本文

案顓者

宋衷曰顓頊名高陽有天下號也

史五帝本紀索隱

顓頊母濁山氏之子名昌僕

山海經海內經注

顓頊娶於滕

墳氏之子謂女祿是生老童

山海經大荒西經注御覽一百三十五